

國朝滇南詩畧

卷六

國朝滇南詩畧目錄

卷六

寶

陳六首

沈聯元

七首

張軒祚

一首

謝履忠

一首

馬汝為

四首

常文起

二十首

趙主英

二首

陳時夏

一首

楊誼遠

十七首

徐翔鵬一首

趙元祚十八首

塗暉三十首

趙塘二首

李文俊一首

陳端揆一首

胡承灝一首

南天章一首

國朝滇南詩畧卷六

古皖江濬源岷雨

鑒定

保山袁文揆纂輯

姚江翁元圻鳳西

竇

璉

字器也昆明人康熙壬午舉人官
祿勸州學正著恒德軒集九十卷

秋思

秋雨秋風到小廬忽驚秋色半窓虛得來興會頻
呼酒放下窮愁且著書論世應從千古上勞心猶

翻○用○好○

憶十年初芙蓉似解詩人語含笑牆東意有餘

曹孟德疑塚

銅臺滅沒幾經春。孟德荒邱若個真。壘壘成封寧
有骨。茫茫何地可容身。中涓養子生欺主。亂世奸
雄死畏人。西蜀君臣各二壘。至今誰不奉明神。

咄咄逼人。不待言窮而首始見。

老女怨

烟裊金爐細細香。春深獨自掩蘭房。早知花樣隨

時改也學鄰姬繡海棠。

風韻嫣然亦是
下第後神理

閨詞

三春紅紫鬪芬芳。鶯也嬌啼燕也忙。細數落花歸
去晚。挑燈無語刺鴛鴦。

麗湖舟中

石陽烟樹望中迷。龍濟橋頭霜滿溪。小艇不須蘭
漿蕩。隨鷗漂過藥靈西。

柳堤春雨

檻外春光接五華。半堤新柳綠陰遮。好從細雨輕

寒後。坐聽流鶯數落花。

潘黼堂云。器也。七絕有。空山無人。水流花開之致。

沈聯元

建水人。康熙壬午舉人。會同縣知縣。

晉雄曉歸

荒村憐欲別。谷鳥故依依。松逕霜痕窄。歸鞍野色

圓。遠山支日上。落葉帶雲飛。過客炊烟早。人家尚

掩扉。

張軒祚

石屏人。諸生。

花魚洞

湖濱多魚族。花魚擅珍羞。斑斕二寸餘。網罟安能
收。奈何性愛潔。耽樂而忘憂。白石繞澄潭。徹底清
且幽。二月春水暖。纖鱗恣沉浮。蒸然罩復罩。一舉
盈千頭。失水乃自取。於人夫何尤。有美不善藏。難
逃釜中游。知白守其黑。至言非謬悠。卓哉申屠子。
千古高清流。

此學老氏而得其元要者躁進
人讀之得無汗下陳留劉璘識

謝履忠

字一侯昆明人康熙癸未進士歷官左
春坊左諭德同弟履厚以文名著作皆

散失
矣

雨晴野望

整履青蕪外。開樽雨霽時。
春寒花放怯。山遠雪消遲。
終歲頻為客。澄懷有所思。
古今悲逝水。縱飲復奚疑。

紆餘
為妍

馬汝為

字宣臣元江人康熙癸未
進士翰林院檢討改知府

秋日感懷簡王永齋檢討

君家昆水濱。我家玉山麓。

元江有
玉臺山

相望如參商。每

憾地難縮。何乃萬里外。晨夕訴心腹。夜雨共寒燈。

出門間連轂。長安冠蓋地。人情多翻覆。惟君與駕

部。謂錢君亮采相視比骨肉。憶昔少年時。志不甘雌伏。

中歲歎數奇。十事九迫蹙。努力赴功名。又恐覆公

餽。高堂有老親。不得問寒燠。久宦生計疎。閑愁積

萬斛。秋風吹我衣。誰為憐范叔。不如返家園。荒江

結茆屋。架擁鄴侯書。圍藝陶潛菊。呼童緣南畝。酒

熟葛巾漉。著述留名山。一經可貽穀。

月真詩卷六
律佳堂

移居叢桂山房

我昔居城市。今移住山巔。匪獨畏炎蒸。欲謝塵俗
牽。結屋僅如斗。築牆甫及肩。居處雖云陋。吾意實
悠然。何以供饘粥。替僕耕山田。山田僅數畝。復與
菜畦連。花木皆手植。生意滿軒前。有暇課兒姪。時
復親簡編。避暑榕陰密。娛目山色妍。夕陽欲西沉。
景物倍澄鮮。扶筇數歸鳥。倚樹聽鳴蟬。峰高雲靄
韞。晝永水潺湲。閉門絕人事。日出猶晏眠。此中差

可樂勿向外人傳。

秋日感懷

葛衣初換早涼中。天際冥冥起北鴻。
萬里鄉關愁夜雨。千家砧杵動秋風。
江頭漫詠題橋客。塞上應憐失馬翁。
黃葉滿庭人寂寞。閒行咄咄自書空。

北云氣
局蒼莽

寄陳存菴

大雅文章續正聲。幾番蕊榜嘆無名。
夜聽杜牧阿

房賦轉笑司衡愧老兵。

常文起

號石堂新興人康熙乙酉舉人榜名河西人

古意

一刺置懷中。三年字漫滅。驅車數千里。誰堪共屑。
舌脫然長棄之。散淡遂高子。春看天上雲。冬弄嶺
頭雪。雲雪數往來。幽意良足悅。
銜恨已十載。今始得其頭。置之懷袖中。心快意綢繆。
邏者近及門。談笑看吳鉤。搜身上馬去。長嘯入

崖幽墨吏弄文法難與論可不馳驅山徑裏行行
復射彪仰天大笑樂白雲浩浩悠悠刻意摹太冲起句尚嫌鹵莽

猛虎行

狂風偃草木砂礫怒飛揚猛虎出林端兇威震一
方巨爪鏃利劒長牙奮蹶張吼聲動山岳雲雷走
蒼皇口腹甘人肉搜拏盡豕羊咆哮時索物恣睢
餐飢腸天地遍血腥萬戶俏避藏談者毛髮豎相
顧色淒涼乾坤本浩蕩萬類日殄昌擊壤為歌舞

以子失熙。穰我聞大人德。虎變耀文章。胡為倫慘。
毒。損等豺與狼。何如作麟鳳。與世咸壽康。起手聲
有虎往來紙上層。次描寫貪吏如畫。既責
之復以改行易轍。望之亦婉而多風矣。

長歌行

安期拍手入蓬萊。茫茫千載去不回。弱水沉沉隨
羽毛。秦皇漢武定徘徊。會稽淺狹欲渡時。赭衣伐
樹二女悲。上元夫人隨王母。青鸞承露金莖垂。人
生塵濁繆糾耳。焉得金丹換骨髓。浩然一飲三百。

杯同代。未知誰後死。

本十九首中服藥求神仙不如飲美酒來更覺曠達

遣懷三首

薄言陟南山。山高富紫芝。採之和靈藥。玉汁碧如飴。馭氣風雲上。驂駕蛟與螭。瞬息涉瀛海。蓬萊足委蛇。玉京羣仙子。抬肩共持携。不與世俗同。永無別離悲。

挾策獻金門。事君得堯舜。龍袞端藻火。拜稽肅敬慎。春殿語從容。肝膈矢相信。六合共一家。羣才爭

景進。聖世無可言。臣鄰恭忠蓋。委蛇列朝端。不必
功名震。兵戈久息哀。我生無疾疢。
備邊窮塞外。轅門建大旗。鐃吹塞上曲。音響一何
悲。功成思故里。雙目逐雲迷。豈不懷安逸。君恩難
固辭。妻孥有生計。三歲一書遲。獨身勤報國。專精
在邊陲。此作頗得
蘇李遺意

懷古二首

高山紫芝草。白雲冒其巔。巖谷幽以曲。道路阻且